

武平縣志

敘文 姓氏

凡例 目錄

一卷輿地志

二卷營建志 補遺

三卷古蹟志



康熙二十六年重修

安  
平  
縣  
志

愚  
立  
堂  
藏  
本



安平縣志序

康熙十一年有

詔諸省各修通志上於

京師備修

皇輿一統志十餘年來直隸

安平縣志

序

諸郡縣率以舊志塞責  
鮮有新修者一統志尚  
未告成安平陳令於今  
春毅然修之凡邑中所  
有之山川土俗文獻莫





不義例畫一釐然可徵  
裝書問序於不佞不佞  
受而讀之曰盛哉

國家聲教所及也自我

皇上御極日闢國萬里薄海

內外盡入版圖既已偃  
兵尚德申文約以治之  
而更畱神於著作作高文  
典冊以次纂修誠

盛朝之大觀近今所未備



者也自禹貢周職方漢  
地理志各述其疆土貢  
賦風俗垂諸經史而夫  
子言是邦尤必徵於國  
中之文獻誠謂文以載

事而得其人則萬事畢  
舉此文獻所以爲益重  
也安平自西漢分邑夙  
號名邦九邑中田賦徭  
役戶口營建職官俱載



在方策可以據籍而書  
至若邑中之文漢有崔  
子真政論外戚箴崔亭  
伯達旨誠實憲書晉有  
張孟陽劍閣銘唐有李

重規封建論贊道賦自  
宋以後無聞焉此則文  
之可徵者也若邑中之  
獻漢則有崔孝廉琦崔  
太守寔三國則有孟中



書令康牽太守招晉則  
有張內史協張著作載  
北齊則有崔太常暹崔  
太守伯謙北魏則有崔  
刺史楷崔武烈延伯崔

尚書孝芬北周則有崔  
刺史謙隋則有李從事  
文博崔著作作願唐則有  
崔獻王元暉崔文貞祐  
甫李宗正百藥五代則



有崔賓客稅元則有王  
副使綱明則有張給諫  
益張尚書鳳王員外健  
門主事洞開吳曹州從  
誨此則獻之可徵者也

今陳令以孟諤少保之  
孫定生處士之子而又  
得其年緯雲以爲之兄  
家學淵源固有所本今  
於安平邑乘旣已述稽



博覽復質諸薦紳父老  
謀諸邑中文學之士纂  
爲此編爛然披掌以備  
史館採擇敬答

詔書敷陳博陵文獻之盛豈

不誠大觀哉不佞旣樂  
爲序其端且竊見

朝廷右文之治興崇古學燕

趙間丕然一變博陵  
彈丸小邑然得錄科名



上奏而入爲

綸閣侍從之臣出膺父母

斯民之任者不乏其人

則今日之著作人才卽

爲百世之文獻古人所

謂蜚英聲騰茂實贊成

丕業以邁越古今不佞

幸得日觀其盛矣

時在

康熙丁卯臯月穀旦



特加太子少保巡撫直隸等  
處地方管轄紫荊等關  
宣府一鎮地方密雲等  
關隘贊理軍務兼理糧  
餉都察院右僉都御史  
間陽于成龍謨





安平縣志序

安平爲古冀州之域漢  
興始置縣厥後鄂千秋  
司馬獻王輩嘗封國於  
此歷代以來碩儒鉅公

炳耀史策若崔駰崔瑗  
之學行後先濟美張載  
張協之文章昆季齊名  
與夫百藥之史才鉉擘  
之經術蓋亦有足多者



焉他如忠孝節烈仕宦  
顯達近代尤爲稱盛乃  
自明萬歷己丑而後闕  
焉弗載遂使山川蘊鬱  
之氣久而不舒人才風

俗之梗概日就蕪落是  
固守土者之羞也今邑  
令陳君慨然修輯捐費  
聘賢勒爲成書上之史  
館以備



昭代一統志之所采擇其  
於吏治庶可無愆矣乎  
夫天下者郡邑之積也  
一腋弗備不可以爲爽  
一椽弗治不可以成室

謂葺爾僻處自安固陋  
將因循墮廢其何以仰  
體

聖謨其襄史事乎矧真定  
爲河北巨鎮阨塞險要



歷代所重而茲邑則恒  
山沱水遙爲流峙穀亭  
護林近與掩映其不可  
不亟成邑乘以昭

文治之隆尤斷斷也夫陳

君故少保公之孫而檢  
討其年之第也其篤志  
績文得之家學爲多又  
與商邱侯子朝宗爲米  
玉切磨有素固宜文筆



簡古茲乘之煥然改觀  
也余承乏一畿輔不能  
徧爲巡覽今披閱是誌  
而疆域之廣袤制度之  
沿革與夫官師之良楛  
人物之隆替風教之淳  
漓靡不瞭如指掌旣幸  
採風之有藉而且幸諸  
郡邑之得此先聲也故  
不辭而爲之序



管理直隸州名兼理驛  
傳事務巡道僉事武陵  
胡獻徵撰





安平縣志序

余閱安平令陳君之自  
爲其治縣志三復而嘆  
曰陳君閱覽君子也遠  
稽古正史近不遺殘碑

安平縣志

李序

思立堂

斷石所記博搜而詳志  
之補舊志以所不及其  
在舊志以後又無論矣  
陳君自謂視舊志頗明  
備云舊志吾未之見也



見序舊志者矣序未詳也見凡例矣凡例作者之大旨存焉爾見凡例如見舊志信陳君之言不虛陳君少保公之孫

其年難弟余昔與其年共芸局事讀其文詞藻麗往往遜心焉陳君家學有自來矣其博雅何足恠而令安事也知治



本諸務未遑首新學宮  
興教化義學十有六區  
徧境內次第完葺之延  
師其中置有田覽新志  
可知焉

天子雅好文學

大吏又喜薦賢行見陳君  
之去百里而布所學於  
朝也謂非此志先爲容  
歟余視



畿內學政

畿內郡縣志得寓目焉而  
新其書者凡例逸其舊  
陳君而不逸之其所謂  
根據義理及正人心息

邪說之言頗足有功聖  
道有不可逸者也陳君  
其知之矣而徒以博見  
長也云乎哉

晉



康熙歲次戊辰仲冬日  
督學使者海曲李應  
薦題





序

省郡縣之有志也所以獻之

朝廷備史官之採擇也不敢言史而言志然無史之名而有史之意焉其地之山川城郭戶口賦役廨署寺院職官選舉豪傑人物民風士俗莫不畢載猶夫史也其或典故事跡夫稽攷是非賢否乖情實所繫甚大執筆者不能無責矣官斯土而董厥事者又得不慎且

安平縣志

序

一

忠立堂

惟乎哉安平縣隸真定古博陵邑也山圍  
嶽水遶滹沱隅壤雖小近在畿輔石不斲空  
亥冬承乏試宰於是者三年餘矣竊以素承  
祖父家教斤斤清白褰帷入境之日顧茲地  
瘠民貧唐季藩鎮之餘獷悍之風未盡棄息  
禮樂之化未遂浹洽覽其城垣則雉堞幾無  
掘謁學宮則榱桷傾斜墻繚盡滅卽先賢祠  
之木主亦參差錯落或有或無至闕其邑志



則重修於萬、已丑迄今百年其間人斃  
銷沉事蹟之湮沒而莫可考者多矣石不  
怒焉而懼憬然而思足誠司牧者之責也  
水旱頻仍焦心蒿目未能並舉積二年之  
而雉堞已羅布矣學宮之傾圮者已新之  
墻繚之滅沒者已築之矣先賢儒之本主亦  
考正而補其缺失矣志書之纂輯又詎可緩  
乎於是詳 憲設局敦請紳士分理綜覈

石又不揣固陋考訂筆削歲月幾周成書十  
卷較舊志多四卷補前載之缺畧存一邑之  
信從登之梨棗用傳將來內藝文一卷向多  
蕪襍雖爲釐汰豈敢盡芟前人之意故姑存  
之又石政理之暇適苦菴三兄至署清風槐  
綠明月花紅埧篔簹萍聚間有撫弄更豎同人  
不無酬唱偶值民間以麥秀雙岐一產三雄  
來告於焉吟咏或當衢壤並入卷中以紀一



時之異夫史繼詩而作倘亦附於風人之義也夫嗟乎今日之縣吏今日之吏事亦綦難矣所賴

天子仁聖

上臺賢明

恩詔蠲租俾愚者安耕鑿秀者樂詩書而宰茲土者亦得與爲休息飲冰謹凜早夜竭蹶勵其驚鈍凡事之所當舉者得以次第告成以

安平縣志

序

三

患立堂

無貽於隕越詎不有厚幸哉茲序修志之成而嬋媛於修城修學者聊以塞余責豈遂畢余志乎他日之罪我知我其在斯乎爰書於簡端以質之後賢

康熙歲次丁卯午月知安平縣事宜與陳宗石子萬氏題於患立堂





歷修安平縣志姓氏

知縣沈同人草創

嘉靖二十九年修

邑人王三餘重編

萬曆十六年修

知縣王 訢叅閱

教諭顧 桐校正

訓導李 榮

李士元同校

典史張宏恩供給

生員李汝弼 高才

安平縣志

姓氏

一 忠立堂

李攀龍 王嘉佐校錄

知縣何

翌增修

萬二十三年修

教諭李文鳳校正

訓導李懋賢

劉 禮同校

典史魯子裕督工

生員張奇助 傅一登

李 化 李攀龍校錄



重修安平縣志姓氏

直隸 定府晉州安平縣知縣陳宗石 詳奉

直隸真定府知府 加 四級趙

直隸 定府知府 馬

整飭井陘道山西按察使司僉事李

整飭井陘道山西按察使司僉事劉

直隸巡道總理通省刑名驛傳事務駐劄保定府僉事胡

直隸守道管理錢穀駐劄保定府叅議朱

趙子孫繼業盛名賢勳恩德宏遠  
晉寧縣令  
寺

安平縣志

姓氏

各憲批行纂輯

三 愚立堂

教諭周之翰

訓導黃一蘅

邑紳靳闇然

張 韓

崔甲默

貢士李樹頌

全校

廩生程甲釗

典史張政教 督刊



原志凡例 共十條

一舊志所載止於嘉靖二十九年以後爲新續舊載者係以舊志云新續則以按字別之再間以圈

一舊志所載內有謬誤者則刪去之有疑似者則兼備一說以俟知者蓋疑以傳疑仿史闕文之意

一舊志中有前後失宜者則爲更正之如恩封鄉賢當在例貢之前是也有遺落者則爲補足之稅糧鹽法之類是也有字眼重複者則爲刪去之如職官多云知縣事鄉官多云安平人之類是也其無大差失者則仍之

安平縣志

凡例

三

忠立堂

一古人收圖籍舊志並無一圖今將城池縣學並加圖畫庶披圖即可考覽

一舊志以地畝等項卽列於沿革內今以錢糧關係國計民命另提田賦而以戶口貢稅等項隸之庶觀者知所重云  
一舊志所載原有褒貶茲亦僭加評品要皆根據義理不敢妄爲昔人謂不爲直筆何以取信於後者是也然善善長惡惡短其中自有隱惡揚善之義聞吾鄉王端溪公志開州不惟直敘宦跡雖鄉人亦加刺焉則名公鉅卿之直筆不佞何敢望焉



一官職中有陞遷不赴及乞求休致者必特書之嘉恬退也  
其有考寃未確者則不敢書

名宦鄉賢必曾經申白當路奉文入祀者方書其餘不敢  
私錄見任及生前者卽一語不敢輕出

一孝行忠節烈女節婦有關風化然必曾經旌表輿論僉同  
者始書亦官職例也惟舊載志中所載二氏謂尚未及旌  
者今亦未敢刪去

一舊志以寺觀列於正傳今特點之附錄於後作禳紀蓋以  
寓正人心息邪說之意云

邑人王三餘識



安平縣志重修凡例

一安平志書創自嘉靖年間兩訂於萬歷中禮王給諫之秉筆曾費苦心何邑侯之增修亦多潤色但於古未核見聞頗寡故紀載多缺條理未詳茲則遠搜之二十一史延考之殘碑斷碣凡有可徵可信者悉爲補入雖不敢謂採輯罔遺較之舊志頗明備矣

一舊志缺畧殊多又自萬歷已丑迄今百載未經纂輯卽國初趙令有志修舉未覩厥成其缺失殆日甚焉茲特延請紳士廣爲蒐採庶幾微文獻足信從也

安平縣志

凡例

五

忠立堂

一賦役奉

部行志例不敢摭入前朝止照

國朝新舊全書逐一纂敘故舊志所載者槩爲刪削以遵

功令

一舊志職官人物條下每多譏刺殊非隱惡揚善之義况志與史法例不同蓋史寓刑賞志無褒貶豈可紊越茲則賢而臧者仍舊志以揚之其否者姑置之不議不論而已

一舊志科目鄉賢混而莫辨茲特按史傳之例志選舉以表仕進之榮階志人物以彰古今之豪傑至名宦鄉賢皆職



官選舉中人或有傳或崇祀俱於本人下註以別之

一舊志藝文混濼甚矣且多載地封誥勅文尤爲無謂茲者不錄間採遺文補入各分類彙敘以便披閱然有蕪謬者不敢遂沒其名以俟後之採擇者

一舊志僅列陸卷今則酌分十卷仍以祿紀殿之寺觀改入古蹟卷以事各從其類耳

一凡舊志所載者悉註明舊志以別於新纂或有不便仍入本條者各散見志中以不沒前人之美也

邑令陳宗石謹識

安平縣志

凡例

六 惠立堂

邑志予修于康熙二十六年越四年而邑之丁地賦役有奉文增入者營建選舉有日新月盛者間有當代諸君子訪予於講學亭中不乏短韻長吟者而予又披覽史帙或人與事向有未曾採入者或有訛而未經改正者至於予之境遇慘酷日甚間有歌咏率皆天籟或因境以見情或因情以寓境無非峽猿鵲血簿書之暇分類補入以備後賢之考訂嗟乎風塵下吏九年不調兩鬢疑霜巔毛欲脫不禁穆然遐思范純仁爲相日一見趙擇仁輒歎曰不意簿領中乃有是人一言知己千古佳話又不禁泫然自



傷因再書數語于志尾并志予之跋此云爾康熙三十年  
小春之廿有二日陳宗石識

安平縣志

凡例後跋

卷

忠立堂



安平縣志總目

第一卷輿地志

圖 輿輿表 分野 形勝 沿革 城池

疆域 山川 里社 村堡 風俗 時節 事務

土產

第二卷營建志

縣治 學校 義學 附 祿署 倉廩 街市 坊牌

舖舍 墩臺

第三卷古蹟志

安平縣志

總目

七 忠立堂

勝景 壇壝 寺觀 祠廟 塚墓

第四卷賦役志

戶口 地畝 科則 起運 本色 存留

貢賦 襍稅 遞馬 鹽法 兵制 附城 丁 襍差

恩蠲

第五卷職官志

相 守令 建魯 知州 知縣 縣丞

主簿 尉 教諭 訓導 醫學

第六卷選舉志



薦辟 舉人 進士 明經 太學 武秩

蔭襲 賜封 襍職

第七卷人物志

封爵 勲德 名宦 忠節 正直 循良

文學 武功 淳謹 孝友 隱逸 行義

流寓 方技 儒釋 列女 節烈 宦倖

第八卷藝文志上

文 賦 論 詔 册 勅

奏疏 奏表 書啓 策 序 記

安平縣志

總目

八 患立堂

賚 跋 箴 銘 碑誌銘

墓表 諭祭文

第九卷藝文志下

五言古 五言排律 七言古 五律 七律

七絕 五絕 詩餘

第十卷襍紀志

災祥 異聞 襍事 遺政



安平縣志卷之一

輿地志

禹分九州三代因之秦改郡縣後世不易輿地考藏  
 在政府經國之大端也安平雖彈丸地歷代之沿革異制分野  
 之昴畢同纏是非按圖辨域稽古證今烏足以傳信於將  
 來乎若因地以制宜觀風而問俗不禁有古今升降之感  
 焉是故志輿地

圖

- 縣境圖
- 城圖
- 縣衙圖
- 學圖
- 村莊圖

安平縣志圖 卷之一 輿地志 患立堂

中左

東至饒陽縣四十里

長屯

護駕林

北壇

義門

成干

韓村舖

舖台

郭官屯

楊官屯

張家莊

壇南

北至博野

聖姑廟


字

南至深州





里十五縣



安平縣志圖

卷之一

輿地志


二

忠立堂

城



衛縣




安平縣志圖

卷之一

輿地志

忠正堂





閣

樓

西書房

耳房

堂

堂


刑房

庫

門

樓

門



安平縣志圖

卷之一

輿地志

四

惠立堂

教諭衙門

魁星祠


文昌祠

東廡

東廡

名宦祠

浴聖祠





各境縣


安平縣志圖

卷之一

輿地志

五

患立堂













祥蓋以占豐耗徵治亂預爲 國計民生之備也後世屢  
有推測不驗者無他拘守成法無以變適於其間也試觀  
成形於下者固有山河之開塞郡邑之分裂卽成象於上  
者天運有歲差星度有更移欲執舊術以合機宜豈不謬  
哉如安平邑地在唐虞三代屬幽州隸涿在戰國屬冀州  
隸趙故昴主燕畢主趙漢志以箕尾主燕昴畢主趙與古  
又大殊矣及細爲步算昴主邯鄲一帶郡邑畢主常山一  
帶郡邑其主趙分者復如此之懸異也欲察分野者曷得  
膠柱鼓瑟以論之乎

安平縣志

卷之一

輿地志

八

忠立堂

周禮疏云昴畢冀州趙之分也循北方河之表西盡塞垣  
皆旄頭故地爲昴分自漳水之北盡代郡定襄表襄山

河爲畢分

按安平地屬趙分

天官書云自胃七度至畢十一度於辰爲西大梁也趙之

分野

按安平地屬趙之北  
部在畢十一度中

圖書編云昴畢趙之分星昴主邯鄲一帶郡邑畢主常山

一帶郡邑

按真定入畢十三  
度安平入畢四度

星經云北斗七星運天中以臨四方一曰天樞主雍州二

曰天璇主冀州三曰天璣主青兗州四曰天權主徐揚



州五曰玉衡主荆州六曰開陽主梁州七曰搖光主豫

州按安平屬冀州分野占天璇

晉志云畢中五車星主天子五兵及五谷豐耗西北大星

曰天庫主秦國次東北星曰天獄主燕趙國次東星曰


天倉主魯衛國次東南星曰司空主楚國次西南星曰

卿星主魏國按安平地屬趙分占獄星

星經曰玉衡九星第一星主徐州五郡以五子日候之第

二星主益州七郡以五亥日候之第三星主冀州常山

以五戌日候之甲戌為魏郡渤海丙戌為安平戊戌為

安平縣志  卷之一 輿地志 九 忠立堂

鉅鹿河間庚戌為清河趙國壬戌為恒山凡八郡

### 形勝

左接瀛海右望恒山南襟滹水北帶沙洲 載舊志

### 沿革

安平縣本禹貢冀州之域唐屬冀州虞屬幽州夏商周因

之戰國為趙地秦改封建為郡縣置安平縣屬上谷郡

此縣名所由始也西漢仍為安平縣屬涿郡東漢屬安

平國三國魏屬博陵郡晉以安平為博陵國治後魏屬

博陵郡北齊為博陵郡治隋文帝時於縣置博陵縣



廢州以縣屬博陵郡唐初復於縣置深州尋移州治饒陽縣以安平屬之太宗改屬定州明皇又改屬深州五代及宋金俱因之元太祖升為南平州太宗復為安平縣改屬真定路深州世祖屬真定路晉州明屬真定府

晉州

國朝因焉

城池

古城土為之建置不可考週圍五里一百三十步高二丈八尺明正德六年知縣王翊重修明嘉靖二十一年知縣郭學書用磚砌垛口二千二十一一座自是益壯觀焉崇禎十年知縣孔聞俊築甕城四座墩臺二十四座改修大垛口一千一百六十六座高峻倍前

安平縣志

卷之一

輿地志

十 忠立堂

加完

城門

東曰賓陽西曰饒暉南曰政平北曰鎮鎗城樓各五楹明正德六年知縣王翊修角樓四座腰舖八座各一間明嘉靖二十年知縣郭學書修萬歷二十三年濬水壞南門知縣何黎重修崇禎十年知縣孔聞俊增修外門並樓四座各一楹添修腰舖二十四座

水門

知縣何黎因河水浸城四隅皆盈東門通南開水門一座以洩內水今廢

城基崖

明嘉靖二十六年知縣沈同人週圍築土崖六里一百有餘步高三尺濶一丈明萬歷二十三年河水浸城知縣何黎又培內基一週高八尺濶一丈今無

外堤

週圍八里高二丈明正德六年知縣王翊建西南北三處各有門一座昔稱外城明萬歷二十二年濬水浸城知縣何黎增築二十三年水大發知縣何黎增築高三丈濶三丈週圍植柳



國朝康熙二十四年水大發知縣陳宗石重修大堤增修北門西橫堤以障西來之水免衝堤決圍柳廢久復增植之以固堤基

內堤 二層堤明崇禎十年知縣孔開後增築高一丈濶一丈上修圍牆高八尺墻今廢

池 深一丈濶二丈明嘉靖六年知縣商澤植柳數百株週圍堤上明萬 二十四年知縣何鑿復於堤上植柳今廢

教場 在城東一里外週圍墻南北二百步東西六十步演武亭三間旗臺一座井一口門樓一座一間今俱圯

按城池之設所以壯封疆衛百姓守令之要務莫重於此

安邑以斗大孤城頻罹大難卒不及於禍患者正以未雨綢繆諸邑宰修備之功居多耳

國朝定鼎削平禍亂太平日久修備漸弛視官如傳舍任其傾

安平縣志 卷之一 輿地志 十一 患立堂

圯而不整飭又憚於興作恐勞民力以致傾者益傾而圯者日圯矣誠能因事徐理修舉廢墜豈非固圉防患愛民之至意歟

疆域

東西五十里南北三十里東至饒陽縣界一十七里南至

深州界一十里西至深澤縣界三十三里北至博野縣

界二十五里東到饒陽縣四十里南到深州六十里西

到深澤縣六十里北到博野縣五十里東北到肅寧縣

九十里西北到祁州六十里東南到武強縣九十里西



南到晉州九十里 載舊志

山川

紫荆山 在縣治南五里舊志缺載

院西口河 在縣治北二十五里西通澹河滋河沙河三水至境會而為一東過河間府入淀歸海沿河有堤防歲修歲用

近河十八村民役

滹沱河 在縣南城堤外從東鹿縣來東北過饒陽縣境入淀歸海此水去來無常或二三十年一至或四五

十年一至至則或行十餘年或行二三十年水多縱橫流無定渠

里社 一十五里

坊市社

廟頭社

牛具社

會澗社

安平縣志

卷之一 輿地志

十三

忠立堂

崔令社

羽林社

長汝社

唐貝社

子文社

角邱社

黃城社

辛莊社

侯疇社

義明社

臺城社

載舊志

村堡

堡三店一村也一百五十四間衛定州衛在縣疆域內錢糧俱在縣上納該村保長地方等役俱屬縣提調

子文店堡

在縣治西一里週圍土城上有堦口東西門二座上有樓東西街一道南北街一道

馬店堡

在縣治西北二十五里週圍土城上有堦口南北門二座上有樓東西小門各一間南北街一道東西小

街一道

新莊店堡

在縣治西南三十里週圍土城上有堦口南北門二座上有樓南北街一道東西小街一道

馬江店

在縣治西南四十里東西街一道南北街一道

以上四條載舊志



縣治東三十八村 舊志十三村

南張家溝村 王家莊村 劉秀莊村 信家口村

豆家口村 北店上村 南兩河程村 義門村

楊官屯村 向官屯村 史官屯村 耿官屯村

寶家莊 逸家莊 北張家溝 張家莊

李家莊 郭官屯 李官屯 小辛莊

鄭家莊 韓村舖 廟頭村 程干村

兩潭村 石家莊 中左店

毛葫蘆營村 段家莊 張家寨 彭家莊

安平縣志 卷之一 輿地志 三 忠立堂

鴻子村 蘇哥莊 薛哥莊 護駕村

寨子村 毛家莊 梅家左村

縣治南三十四村 舊志十四村

槐林莊村 趙疇村 廟頭村 敬思村

台城村 野營村 王宋村 大轉村

馬江屯村 角邱村 辛莊村 王家莊村

王官屯 劉光營 徐家疇 大寨村

謝疇村 劉村 小土朱村 杏官村

張敖村 石丁村 中角村 北角村



劉家店 何家店 莊窠頭 石家莊

義里村 中趙疇村 谷家左 侯疇村

呼家村 路家莊

縣治西四十一村 舊志二十五村

嚴疇村 彪塚村 滿子村 羽林村

北郭村 香官村 莊子村 徐召村

長汝村 別駕村 北黃城村 王家莊村

鄭仁村 楊家村 唐貝村 子文村

宅侯村 張舍村 東黃城村 遼城村

安平縣志 卷之一 輿地志 市 忠立堂

西侯疇村 白駝羅村 崔安村 郭西村

南黃城村 堤渦村 店子頭 西遼城

子文店 郭家村 郝村 李家莊

彭家營 邢家營 報子營 馬家營

南北察羅 趙家莊 慢真村 里村

王家營

縣治北四十一村 舊志二十村

護駕林村 南寨村 東重花疇 牛具村

會渦村 新營村 大良村 河漕村



王六市村 白沙莊村 蕪村 西蓮花疇

西慢真村 油子村 劉吉口村 長堤村

趙院村 北慢真村 新店屯村 彭家莊

宗家莊 會渦村 傅哥莊 邢家莊

崔哥莊 欽石營村 北蕪村 牛具村

東西里村 趙家莊 孝林村 南院西村

長堤村 徘徊村 栢令村 崔村

什五村 馬店 崔令村 朱家莊

大良村

安平縣志 卷之一 輿地志 五 患立堂

風俗 舊志云民性朴實勤於農桑鮮事末業寡詞訟儒業亦盛衣冠不乏婚姻喪葬有相周之義俗尚淳厚幾於古俗焉

風俗與世道相為表裏者也風俗之厚薄為世道之盛衰非僅一都一邑之故其關係為甚重安平風俗在明時隆萬以前士夫淳篤百姓質朴猶為近古隆萬而下尚奢侈趨澆漓先進之風為少衰矣至改革以來變亂相仍驕靡漸息而徂詐日長視明末為尤甚然百姓不親



勢利士子不近權貴其正氣尚有存焉者此返古之本  
也是在宰治者敦教化獎忠厚以移易之

時節事儀

迎春節宜春字如春餅賞燈放花士夫及市

民各三五設席稱觴歡飲男婦郊遊七百病

祇駕隆師逆女插柳上聖姑廟賽會祈

食角黍飲菖蒲雄黃酒神符艾絲縷繫臂隆師逆

供瓜餅玩月祭晚寒天高黃釀動酒隆師逆女

食臘粥掃舍祭竈易門神桃符

修歲事陳  
祭儀守歲 載舊志

安平縣志

卷之一

輿地志

六

患立堂

上產

大豆黃豆青豆黑豆白

扁豆綠豆 荷北荷藕莖蒜芥菜山藥慈瓜芥茄葫

龍爪豆 西瓜冬瓜甜瓜 櫻桃石榴桃李杏

紫花地丁牽牛桑白皮地骨皮小茴香車前子蛇床

子枸杞天花粉紫蘇瓜蔓夏枯草益母草肉桂獨活

楊柳榆槐桑 菊蕪管草石竹錫石本

椿栢棠楮柘 玉簪牡丹山丹芍李馬錢

紅藍之 鴉鳴鴛鴦鴉鴉黃鸝鴉鴉  
麻青藍 啄木鴉燕鳥鸚鵡鴉鴉鴉  
猪狐獾 鯉鯽魴鱖鱖  
猫兔 蝦蟇龜陸  
蝠蜘蛛 蝟蟻蛇  
蠶娘蛭 蝟蟻蛇

載舊志

終



